

AFLAN KOT

BETWEEN : ESAU WILLIE
(plaintiff)

AND : CHEIF BERSI TIMOTHY
(defendant)

JUDGMENT

graon we i sabjek blong dispute emi stap long sketch plan mo istap bihaen long Litzlitz Vilij. graon ia tu pati ia i disputim kastom nem blong em, Esau Willie i talem se emi Langanaut, be bersi Timothy i talem se emi Ulkot. Jasmen bae i rife long graon ia olsem disputed land or graon. Tugeta pati i klem se disputed land ia emi blong descendents blong em.

Esau Willie i talem se em emi no stret wan blong disputed graon. papa blong em i blong kastom graon Livok, be emi klem sabjek graon folem wan adoption.

Esau i talem se disputed land ia emi blong Polonmal. Polonmal ikat tri pikinini, George, Thomas mo Luke. George mo Luke ino kat surviving issue, Thomas nomo ikat, everiwan girl, Lekolan, April mo Lenase. Esau i talem se from Thomas ino kat pikinini boy, emi adoptem Willie prey blong Livok we i papa blong em. Emi talem se emi klem graon ia folem adoption blong papa blong em iko insaed long famle blong Polonmal we i ona blong disputed land.

plaintiff i talem se disputed land ia ikat tri nasara, fes mo bikfala nasara emi Langanaut, tu smol wan ikat Ulkot mo Bangasessel. sam fes occupants blong Langanaut oli migrate aot long Langanaut ikam daon long direction blong solwota mo oli putumap namba tu nasara we emi Ulkot. Kot i visitim graon mo i lukim se Ulkot nao i bikfala nasara olgeta long size. Ol remaining occupants oli muv ikam daon las wan mo stanemap bangasessel we istap klosap nomo long Litzlitz Vilij. Ol man blong disputed land oli kasem toktok blong God long Bangasessel, mo fes mission stesen i bin stap narasaed long nasara ia.

Defenden bersi Timothy emi klem se disputed graon emi blong ol descendents blong em mo emi nomo i surviving issue mo ona blong graon ia naoia. Emi talem se graon ia emi blong Malemb. Malemb, pikinini blong em Polonmal. Polonmal pikinini blong em Maltsunghaul or Noah. Noah, pikinini blong em Timothy we i papa blong em. Emi klem folem famle ia nao we emi kamaot long em.

bersi Timothy i klem se bikfala nasara blong disputed land emi Ulkot mo ikat tu smol nasara, Bangasessel mo Geling. Emi no disputem Langanaut. emi talem se emi blong Thomas we i adoptem Willie prey, papa blong Esau Willie mo nasara ia emi smol nasara blong Mervun, emia long area blong Metenesel.

Tugeta pati ia i klemem raet blong Polonmal. Esau Willie i talem se emi papa blong Thomas we i adoptem Willie prey we i papa blong em. bersi Timothy i klem se Polonmal i papa blong Maltsunghaul or Noah we i bubu blong em from emi papa blong Timothy.

Nao, tu man bifo i bin salem part blong disputed land ia igo long Ewan Arther Christian Corlett, emia long 20 April 1905. Certificate of purchase we bersi Timothy i presentem long kot i soem se tu vendors ia fes wan emi lolonmal. Namba tu man emi Maltunghaul or Noah we emi bubu blong bersi Timothy, emia ino kat dispute long em.

certificate of purchase i talem se lolonmal wetem Maltunghaul or Noah we tufala i salem graon long Ewan Arther Christian Corlett, tufala i join and bona fide owners. fes samting blong kliarem, from bubu blong bersi Timothy i joen blong salem graon ia from emi join owner, kot i akseptem se bersi Timothy i kat raet long disputed land ia folem raet blong em.

Namba tu poen, Noah wetem lolonmal tufala i salem graon olsem joint and bona fide owners. emia i min se tufala i seperet man, ino olsem bersi Timothy i klem se tufala i wan man nomo, emia se papa wetem pikinini i salem graon. emia i min nao se lolonmal wetem Maltunghaul tufala i difren man mo tugeta i onem disputed land ia. emia i livem tingting i klea long kot se lolonmal ia we tu pati i disputim emi papa blong Thomas we i adoptem ~~emi papa blong Thomas~~ we i adoptem Willie prey, papa blong plaintiff. (CSMUKLE)

folem finding ia, esau Willie i kat raet insaed long disputed graon.

kot i lukluk bik wan long certificate of purchase from ol pati wetem ol witness blong ol oli no helpem kot nating long toktok blong olgeta.

for example esau Willie i talem se bersi Timothy i no save kat raet long disputed land from emi descendent blong man blong Aulua, be emi no sapotem toktok ia mo kot i rejectem. toktok ia nomo esau i stanap long em blong agensem bersi Timothy.

bakeken, bersi Timothy i talem se Thomas ino adoptem esau Willie, be kot i bilif se i kat adoption. spos i kat adoption, bersi Timothy i argue, adoption ia blong esau Willie igo long graon blong Thomas blong Langanaut. be folem finding blong kot above se papa blong Thomas, lolonmal emi blong disputed land, mekem se Langanaut tu emi blong disputed graon.

long saed ia iet kot i rejectem toktok blong bersi Timothy se Langanaut emi smol nasara blong mervun mo emi no bikfala nasara blong disputed land, se ulkot nao emi bik nasara. kot i mekem finding ia from nating Langanaut i smol nasara long size be i kat wan ples nomo blong kilim namagi, emia long kastom i minim se emi nasara blong hae jif olgeta mo em nomo i kilim namagi long em. ulkot i bik nasara long size be i kat plenti stone blong kilim namagi we i soem se plande difren man or tribe oli bin kilim namagi long nasara ia afta migration blong ol. mo tu set up blong ulkot i soem long kastom se emi smol nasara blong Langanaut.

folem everi toktok ia esau Willie wetem bersi Timothy tufala ikat equal raet insaed long disputed graon.

Tu pati ia imas compromise blong seremaot graon ia bitwin tufala. wanem division yutufala i mekem bae i binding long yutufala, be spos yutufala ino save mekem kot ia bae i splitim graon long yutufala.

Em nao i jasmen, spos wan or yutufala tuketa ino hapi long em bae
i apil iko long supreme kot. I kat 30 days blong apil stat tete.

order long saed long costs, bersi Timothy bae i refund igo long
Esau Willie, VT.15.000.

president : JIMMY GARAE
justices : Gren OBEDIAH
Freddie MALRESS
maxwell RAGABAT


[Handwritten signatures and stamps]

Freddie Malress
maxwell


Dated at Lakatoro this 26th day of November 1993.

L'AN 14 1911

LANGANOUT



PERETS MEMISLEMB

ILKOT



BANGASEC



BELAND'S PO

Water Blong

DIVISION OF LAND

PERKAMPUS PO

PERUMAHAN MO

LISAK

JELENG

MASARA



Tenkoplo
Pelkal

URENBAN

BINISA

MURERER

BOS

Mission Blong Litalife Village

BOUNDRY

OUTSIDE

MISSION

KISEM STATE LAND

LA KATARA

FAMILY
TOWERBIM

OUTSIDE BOUNDRY
LAONE MISSION

steeply
flowing
Petalu

WHITE
SAND

ILKOT